

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO NERETVANSKI KANTON  
OPĆINSKI SUD U KONJICU  
Broj: 56 0 Su 061447 18 Su  
Konjic, 22.05.2018. godine

Na osnovu člana 31. Zakona o sudovima u Federaciji BiH („Službene novine Federacije BiH“, broj: 38/05, 22/06, 63/10, 72/10, 7/13 i 52/14), člana 8. stav 5. Zakona o platama i drugim naknadama sudija i tužilaca u Federaciji BiH („Službene novine Federacije BiH“, broj: 72/05, 22/09 i 55/13), člana 48. Zakona o državnoj službi u Federaciji BiH („Službene novine Federacije BiH“, broj 29/03, 23/04, 39/04, 54/04, 67/05, 8/06 i 4/12), člana 49. Zakona o namještenicima u organima državne službe u Federaciji BiH („Službene novine, Federacije BiH, broj: 49/05) i člana 23. Pravilnika o unutrašnjoj organizaciji i sistematizaciji radnih mjesta Općinskog suda u Konjicu, predsjednica Suda donosi,

**ODLUKU**  
o korištenju godišnjeg odmora za 2018. godinu

I

Sudije, stručni saradnici, službenici i namještenici zaposleni u Općinskom sudu u Konjicu prvi dio godišnjeg odmora za 2018. godinu u trajanju od 20 radnih dana, koristit će u periodu od 02.07.2018. do 31.08.2018. godine, prema Planu korištenja godišnjeg odmora za 2018. godinu, a preostali dio prema potrebama zaposlenika usklađenim sa neometanim obavljanjem poslova u Sudu, najkasnije do 30.06.2019. godine.

II

Za vrijeme trajanja godišnjeg odmora dežurne sudije će obavljati sve poslove hitne prirode (Kpp-pritvor, naredbe za pretres, oduzimanje predmeta, hitni prekršajni predmeti, nadovjeru isprava za upotrebu u inostranstvu Apostille pečatom i slično).

Svaki sudija mora biti na raspolaganju za slučaj potrebe formiranja vanraspravnog krivičnog vijeća radi donošenja hitnih odluka, izuzev spriječenosti iz opravdanih razloga.

III

Namještenici pisarnice, prekršajnog odjeljenja, i Zemljišno-knjižnog odjeljenja, će međusobno i sa sekretarom Suda, dogovoriti način korištenja godišnjeg odmora, tako da se osigura svakodnevna prisutnost u Sudu minimalno jednog namještenika.

IV

Za vrijeme trajanja godišnjeg odmora pripravnici-volonteri svoju praksu i rad će obavljati u skladu sa iskazanim potrebama i u dogovoru s predsjednicom Suda.

V

Sastavni dio ove odluke je Plan korištenja godišnjeg odmora za 2018. godinu, sa utvrđenim terminima korištenja godišnjeg odmora za svakog zaposlenika.

VI

Za sve sudije, stručne saradnike, državne službenike i namještenike, donijet će se pojedinačna rješenja o korištenju godišnjeg odmora.

VII

Ova Odluka stupa na snagu danom donošenja, objavit će se na web stranici, oglasnoj tabli Suda, dostaviti Kantonalnom sudu u Mostaru, Kantonalnom tužilaštvu Hercegovačko-neretvanskog kantona u Mostaru i Područnom Tužilaštvu u Konjicu.

